

**Служба о́бщая**  
**испове́днице Росси́йстей XX ве́ка**  
**еди́ней**

ВЕ́ЧЕР

На Го́споди, воззва́х: стихи́ры, глас 8.

Подобен: О, пресла́внаго чудесе́ :

О, пресла́внаго чудесе́ !/ Е́вина дщи избежа́ пре́лести  
зми́евы,/ испове́дница и мярек сла́вная,/ ея́ же ле́пота  
душе́вная/ Це́ркве Ру́сския бысть украше́ние,/ та бо,  
страда́ния своя́ ничто́же вменя́юща,/ претерпе́ суди́ще  
беззаконное./ Сего́ ра́ди на Стра́шнем Суде́ Христо́вом//  
ми́лостивая засту́пница нам бу́дет.

О, блаже́ннаго изволе́ния!/ Сомани́ти да дре́вле проро́ка  
Бо́жия Елиссе́я почти́ / во дни отступле́ния Изра́иля от  
Бо́га,/ ты же, страда́лица и мярек честна́я,/ во дни гоне́ния  
безбо́жнаго в земли́ на шей,/ Христа́ небо́язненно  
испове́дала еси́ / и, по слежде благоче́стно пожи́вши,/  
по́дви́г твой в ми́ре сконча́ла еси́ .// Сего́ ра́ди мо́лим тя  
спасти́ся душа́м на́шим.

О, премудрости ра́зума!/ Восхваля́ет Соломо́н жену́  
мужелюби́вую,/ мы же вельми́ воспева́ем боголюби́вую,  
святу́ю страда́лицу и мярек,/ сия́ бо, науче́на от Свята́го  
Ду́ха,/ Христа́ на суди́щи испове́дала / и, ве́ру правосла́вную  
нело́жно храня́щи,/ врата́ми пра́вды в Ца́рство Небе́сное  
вни́де, // иде́ же мо́лится спасти́ся душа́м на́шим.

О, пресла́внаго чудесе́ !/ Дре́вле Мари́я м проро́чица, / сквозе́  
Чермно́е мо́ре просе́дши, / сли́ки и тимпа́ны Бо́га  
прославля́ше, / ны́ не же страда́лица и мярек сла́вная, /  
пучи́ну безбо́жных гоне́ний преплы́вши / и зе́млю Ру́сскую  
кровьми́ украси́вши, / Го́споду побе́дную песнь воспева́ет: //  
сла́вно бо просла́вися.

Сла́ва, глас 3:

Боже́ственным раце́нием укрепля́ема, / пучи́ну гоне́ний  
до́бле прешла́ еси́, / и мярек достосла́вная, / и к Све́ту  
Незаходи́мому, я́ко испове́дница Христо́ва, возшла́ еси́, /  
иде́ же вку́пе с новыму́ ченики и испове́дники Росси́йскими  
мо́лишися, / о́е же сохрани́тися земно́му Оте́честву на́шему в  
Правосла́вии // и спасти́ся душа́м на́шим.

И ны́не, Богоро́дичен: Ка́ко не диви́мся:

Вход. Проки́мен дне. Чте́ния 3 му́ченическая.

На стихо́вне стихи́ры, глас 4.

Подобен: Дал еси́ зна́мение:

Дал еси́ кре́пость и си́лу / боя́щейся Тебе́, Го́споди, /  
испове́днице честне́й и мярек, / я́коже дре́вле святы́м  
жена́м, / победи́ти ви́димыя и неви́димыя враги́ . / Те́м же  
ны́не воспева́ют ю́ свяще́нницы Госпо́дни, / и велича́ют вси́  
лю́дие земли́ на́шей, / я́ко претерпе́ гоне́ния и заточе́ния //  
вели́кия ра́ди сла́вы Твоея́ .

Стих: Приведу́ тся Царю́ де́ вы// в весе́ лии и ра́ довании.  
А́ ще безу́ мнии тща́ хуся/ угро́ зами и ле́ стию притво́ рною/  
тече́ ние твое́ ко спасе́ нию разори́ ти,/ оба́ че преподо́ бней  
ру́ це к Бо́ гу воздева́ ющи,/ Амали́ ка мы́ сленнаго победи́ ла  
еси́ / и, целому́ дряи́ свещу́ еле́ ем испове́ дания уя́сни вши,/ с  
му́ дрыми де́ вами в неве́ стник неизрече́ нныя сла́ вы возшла́  
еси́ ,// страстоте́ рпице́ и мярек достосла́ вная.

Стих: Испове́ мя Тебе́ в век, я́ ко сотвори́ л еси́ ,// и терплю́  
и́ мя Твое́ .

Я́ ко ла́ стовица доброгла́ сная,/ Це́ ркви на́ шей ве́ сну  
обновле́ ния/ страда́ нием за Христа́ возвести́ ла еси́ ,/  
богоблаже́ нная ма́ ти и мярек./ Ны́ не же со гла́ сом  
новому́ чеников и испове́ дников Росси́ йских/ Го́ спода при́ сно  
прославля́ еши/ и мо́ лишися Ему́ усе́ рдно,/ мир и  
благоче́ ствие Оте́ честву на́ шему дарова́ ти// и душа́ м  
на́ шим ве́ лию ми́ лость.

Сла́ ва, глас 6:

Благода́ ть Бо́ жию невреди́ му сохра́ ньши/ страда́ нием и  
испове́ данием,/ в ме́ ру во́ зраста исполне́ ния Христо́ ва  
дости́ гла еси́ ,/ богому́ дряя ма́ ти и мярек,/ и, я́ ко пшени́ ца  
до́ брая, на ни́ ве Росси́ йстей взраще́ нная,/ от жития́  
претру́ днаго в Небе́ сныя жи́ тницы со́ брана бысть./ Те́ мже,  
Бо́ гу ны́ не предстоя́ щии,// моли́ о ве́ рою и любо́ вию чту́ щих  
тя.

И ны́ не, Богоро́ дичен: Творе́ ц и Изба́ витель:

Тропа́ рь, глас 4:

Благоче́ стно в зако́ не Госпо́ дни пожи́ вши,/ ве́ ру  
Правосла́ вную сохрани́ ла еси́ / и, терпе́ нием гони́ тели  
Це́ ркве Ру́ сския посрами́ вши,/ страда́ ния за Христа́  
претерпе́ ла еси́ ,/ испове́ днице сла́ вная и мярек,/ престо́ лу  
Бо́ жию предстоя́ щии,// моли́ спасти́ ся душа́ м на́ шим.

НАУ́ ТРЕНИ

По 1-м стихосло́ вию седа́ лен, глас 3:

Кто не подиви́ тся благоразу́ мию твоему́ , досточу́ дная ма́ ти  
и мярек,/ я́ ко Го́ споду неотсту́ пно после́ довавши,/ о  
спасе́ нии души́ твоя́ умоля́ ла еси́ / и кре́ пость на гони́ тели  
Це́ ркве Ру́ сския обрела́ еси́ ./ Сего́ ра́ ди ева́ нгельски  
вопи́ е м ти:/ о́ же но, ве́ ра твоя́ спасе́ тя.

Сла́ ва, и ны́ не, Богоро́ дичен:

Тя, хода́ тайствовавшую спасе́ ние ро́ да на́ шего,/ воспева́ ем,  
Богоро́ дице Де́ во,/ пло́ тию бо, от Тебе́ восприя́ тою, Сын Твой  
и Бог наш,/ Кресто́ м восприи́ м Страсть,/ изба́ ви нас от тли,  
я́ ко Человеколю́ бец.

По 2-м стихосло́ вию седа́ лен, глас 4:

Зако́ ну Госпо́ дню усе́ рдно поуча́ ющися,/ в но́ щии гоне́ ний на  
Це́ рковь Ру́ сскую/ тве́ рдым испове́ данием ве́ ры свеща́  
негаси́ мая яви́ лася еси́ , богоблаже́ нная ма́ ти и мярек,/ и

день грядущаго спасения Оте́ честву на́ шему возвести́ ла еси́ ./ Те́ мже ты похвала́ ми сла́ вными велича́ ем.

Сла́ ва, и ны́ не, Богоро́ дичен:

Пресвята́ я Де́ во, упова́ ние христиа́ н, / Бо́ га, Его́ же родила́ еси́ па́ че ума́ и сло́ ва, / непреста́ нно моли́ сохрани́ ти в Правосла́ вии / ве́ рою и любо́ вию при́ сно Тя велича́ ющая.

Велича́ ние:

Велича́ ем тя, / испове́ днице Христо́ ва и́ мярек, / и чтим святу́ ю па́ мять твою́ , / ты бо мо́ лиши за нас // Христа́ Бо́ га на́ шего.

Псалом избра́ нный:

1-й лик: Испове́ мся Тебе́ , Го́ споди, всем се́ рдцем мои́ м о ми́ лости Твоей и и́ стине Твое́ й.

2-й лик: Госпо́ дь Помо́ щник мой, на Него́ упова́ се́ рдце мое́ , и испове́ мся Ему́ .

1-й лик: Глаго́ лах о свиде́ ниях Твои́ х пред ца́ ри́ и не стыдя́ хся.

2-й лик: Испове́ мся и́ мени Твоему́ , Го́ споди, я́ ко бла́ го, я́ ко от вся́ кия печа́ ли изба́ вил мя еси́ .

1-й лик: На Бо́ га упова́ х, не убою́ ся, что сотвори́ т мне челове́ к.

2-й лик: Изведи́ из темни́ цы ду́ шу мою́ испове́ датися и́ мени Твоему́ .

1-й лик: Поноше́ ния понося́ щих Ти нападо́ ша на мя.

2-й лик: От бездн земли́ па́ ки возве́ л мя еси́ , и бо аз испове́ мся Тебе́ в лю́ дех, Го́ споди.

1-й лик: Весели́ тесь, пра́ веднии, о Го́ споде и испове́ дайте па́ мять святы́ ни Его́ .

2-й лик: Да испове́ дятся Тебе́ , Го́ споди, вся дела́ Твоя́ .

По полиеле́ и седа́ лен, глас 1:

Я́ ко жена́ ева́ нгельская заква́ ску в три ме́ ры муки́ вложи́ , / та́ ко ты, достохва́ льная, испове́ данием ве́ ры Правосла́ вныя / трича́ стное души́ твоея́ освяти́ ла еси́ : / ра́ зум и стиною Христо́ вою, / жела́ ния во́ лею Бо́ жию, / чу́ вствия же любо́ вию ко Го́ споду, / и си́ ми и́ же на Це́ рковь Ру́ сскую ополчи́ вшаяся / посрами́ ла еси́ , испове́ днице и́ мярек.

Сла́ ва, и ны́ не, Богоро́ дичен:

О Держа́ вная Всеца́ ри́ це, / преподо́ бных наде́ ждо, му́ чеников кре́ посте, / А́ нгелов сла́ во, челове́ ков покро́ ве / и всего́ ми́ ра всемо́ щная Засту́ пнице, / изба́ ви Це́ рковь Ру́ сскую вся каго зла́ го обстоя́ ния, / еди́ на Чи́ стая и Благосло́ венная.

Степе́ нна, 1-й антифо́ н 4-го гла́ са. Проки́ мен, глас 4: Ди́ вен Бог во святы́ х Свои́ х, // Бог Изра́ илев. Стих: В це́ рквах благослови́ те Бо́ га, Го́ спода от исто́ чник Изра́ илевых.

Вся́ кое дыха́ ние: Ева́ нгелие от Матфе́ я, зача́ ло 104.

По 50-м псалме́ стихи́ ра, глас 6:

Днесь испове́ дница Христо́ ва, / достосла́ вная и́ мярек, / страда́ нии и скорбьми́ украсе́ нная, / я́ ко голуби́ ца кро́ ткая, /

криле́ поста́ и моли́ твы́ иму́ щая, / в черто́ г Небе́ снаго  
Жениха́ возлете́ вши, / с ли́ ки святы́ х испове́ дников  
Росси́йских / Престо́ лу Бо́ жию предстои́ т // и сла́ вит  
Преве́чнаго Бо́ га.

Кано́н, его́ же краегране́ сие́ кроме́ Богоро́ дичнов:  
Приведу́ тся Царю́ де́ вы в след Ея́ . Глас 8.

Песнь 1

Ирмо́с: Пои́ м Го́ сподеви, / прове́ дшему лю́ ди Своя́ сквозе́  
Чермно́ е мо́ ре, // я́ ко Еди́ н сла́ вно просла́ вися.  
Приими́ пе́ ние, и мярек благосла́ вная, / цве́ те благоуха́ нный  
Це́ ркви Ру́ сския, / от почита́ ющих любо́ вию испове́ дническия  
по́ двиги твоя́ .

Ре́вностию по Бо́ зе стремле́ ния богобо́ рческая в Ру́ сстей  
земли́ посрами́ ла еси́ / и гони́ тели безбо́ жныя испове́ данием  
ве́ ры обличи́ ла еси́ , сла́ вная и мярек.

Изуши́ вши тве́ рдою ве́ рою ума́ душевре́ дное, / стезю́  
испове́ дничества безбе́ дно прешла́ еси́ / и в Небе́ сных  
селе́ нийх водвори́ лася еси́ , и мярек богоблаже́ нная.  
Богоро́ дичен: Тебе́́ Предста́ тельницу́ иму́ щия, Пречи́ стая, /  
сла́ вная жены́ , посто́ м и терпе́ нием зми́ еву держа́ ву  
сокруши́ вшия, / сла́ ву Небе́ сную обрето́ ша.

Песнь 3

Ирмо́с: Ты еси́́ Утвержде́ ние / притека́ ющих к Тебе́́ ,  
Го́ споди, / Ты еси́́ Свет омраче́ нных, // и пое́ т Тя дух мой.  
Ве́ ры Правосла́ вныя щит восприе́ мши, / и оде́ ждею  
доброде́ телей обле́ кшися, ма́ ти и мярек, / ко́ зни диа́ вола, на  
тя устре́ мле́ нныя, / му́ жественно отрази́ ла еси́́ .

Ева́нгельских за́ поведей исполни́ тельница́ и Правосла́ вия  
ревни́ тельница, / испове́ дница Христо́ Бо́ га и украше́ ние  
земли́ на шея́ яви́ лася еси́́ , / до́ блестная ма́ ти и мярек.  
До́ блественне Бо́ гу рабо́ тавши, / плоть распя́ ла еси́́ со  
страстьми́ и похотьми́ / и души́ твоя́ , ма́ ти и мярек, / любве́  
ра́ ди Христо́ вы не пощади́ ла еси́́ .

Богоро́ дичен: Тебе́́ , Богороди́ тельнице, честны́ я жены́  
предстоя́ щия, сла́ ву воздаю́ т, / поще́ нием кре́ пко  
подвиза́ вшися / и му́ жественно врага́ низложи́ вшия.

Седа́ лен, глас 4:

Укра́ си вши́ ду́ шу твою́́ красо́ тою кро́ ткаго́ и молчали́ ваго  
ду́ ха, / уста́ же испове́ данием ве́ ры освяти́ вши, /  
Красне́ йшему добро́ тою, па́ че сыно́ в челове́ ческих,  
предста́ ла еси́́ , / за Русь́ многострада́ льную моля́ щися, /  
испове́ днице́ и мярек честна́ я.

Сла́ ва, и ны́ не, Богоро́ дичен:

От А́ нны пра́ ведныя процве́ тши, Де́ во, / родила́ еси́́ Царя́́  
Христо́ и ра́ дость ро́ ду челове́ ческому дарова́ ла еси́́ . / Сего́  
ра́ ди рождеству́ Твоему́́ сра́ дуются благочести́ вых жен  
сосло́ вие земли́ на шея́, / ко́ зни гони́ телей сла́ вно  
препобеди́ вшия.

#### Песнь 4

Ирмо́с: Услы́ шах, Го́споди,/ смотре́ ния Твоего́ та́ инство,/ разуме́ х дела́ Твоя́ // и просла́ вих Твое́ Божество́ .

Ум впе́ри ви́ши к Бо́гу,/ Амали́ ка зломы́ сленнаго моли́ твою победи́ ла еси́ , ма́ ти и мярек,/ и, я́ ко испове́ дница сла́ вная, страда́ ния за Христа́ претерпе́ ла еси́ .

Тве́ рдость ве́ ры Правосла́ вная показа́ виши, мужему́ дре́нная ма́ ти и мярек,/ гоне́ ния, у́ зы темни́ чныя и го́ рькия рабо́ ты претерпе́ ла еси́ ,/ си́ лою Креста́ Христо́ ва укрепля́ ема.

Сло́ вом ева́нгельским пита́ ема, сла́ вная,/ к по́ движу испове́ дническому устреми́ лася еси́ / и страда́ нием Христу́ Бо́гу сочета́ лася еси́ .

Богоро́ дичен: Богома́ ти Пречи́ стая,/ Госпо́ дь от Тебе́ неизрече́ нно плоть прия́ т,/ сего́ ра́ ди жен естество́ , иногда́ под кля́ твою бы́ вшее, ны́ не возвели́ чися.

#### Песнь 5

Ирмо́с: У́ тренююще вопие́ м Ти:/ Го́споди, спаси́ ны,/ Ты бо еси́ Бог наш, // ра́ зве Тебе́ ино́ го не ве́ мы.

Я́ ко сокро́ вище многоце́ нное, спасе́ ния усе́ рдно взыску́ ющи, сла́ вная ма́ ти,/ Христу́ усе́ рдно после́ довала еси́ / и крест страда́ ния му́ жественне подъя́ ла еси́ .

Ца́ рства Небе́ снаго возжеле́ виши, досточу́ дная и́ мярек,/ ду́ шу твою́ покая́ нием очи́ стила еси́ / и по́ движи страда́ ния терпели́ вно подъя́ ла еси́ .

А́нгели светоно́ снии дивя́ щеся терпе́ нию твоему́ , ма́ ти сла́ вная,/ ду́ шу твою́ , благода́ тию освяще́ нную,/ Престо́ лу Го́спода вы́ шних Сил приведе́ ша.

Богоро́ дичен: Покро́ в и Засту́ пницу Тя име́ ющия, Всечи́ стая,/ жены́ благоче́ стия земли́ на́ шей во дни безбо́ жия не отверго́ шася Го́спода,/ оба́ че, изгна́ ния и страда́ ния му́ жественне претерпева́ ющия,/ непобежде́ ны пребы́ ша.

#### Песнь 6

Ирмо́с: Ри́ зу мне пода́ ждь све́ тлу,/ одея́ йся све́ том, я́ ко ри́ зою, // Многomí лостиве, Христе́ Бо́ же наш.

Ри́ зу плотска́ го мудрова́ ния терпе́ нием совле́ кши, боголюби́ вая ма́ ти и мярек,/ ри́ зу спасе́ ния от Христа́ Бо́ га досто́ йно восприя́ ла еси́ ,/ те́ мже во т́ме безбо́ жия досточу́ дно в стране́ на́ шей просия́ ла еси́ .

Ю́ зы темни́ чныя, глад и гоне́ ния/ претерпе́ ла еси́ му́ жественне, испове́ днице и́ мярек,/ те́ мже о́ браз ве́ ры и благоче́ стия Росси́ йским жена́ м яви́ ла еси́ .

День и но́щь простира́ ла еси́ , испове́ днице, преподо́ бней ру́ це твои́ к Бо́гу,/ Еди́ ному могу́ щему сохрани́ ти тя в напа́ стех,/ те́ мже тя ублажа́ ем.

Богоро́ дичен: Жены́ и де́ вы, благоче́ стию поноша́ ему в стране́ на́ шей,/ посто́ м и страда́ нием Го́споду угоди́ ша./

Ны́ не же непреста́нно мо́лятся Сы́ну Твоему́, Пречи́стая, / да  
утверди́тся в Правосла́вии Це́рковь Ру́сская.

Конда́к, глас 4:

Я́ко крин благоуха́нный, / посреде́ пусты́ни безбо́жия / в  
земне́м Оте́честве твое́м процвела́ еси́, / блаже́нная ма́ти  
и мярек, / и, житие́ доброде́тельное испове́данием ве́ры  
украси́вши, / востекла́ еси́ к Небе́сному Жениху́ Христу́, //  
И́же увенча́тя красото́ю сла́вы нетле́нная.

И́кос:

Ка́ко воспой́м тя, Це́ркве Ру́сския похвалу́, достоблаже́нная  
испове́днице и мярек, / вся́кая жите́йская попече́ния  
отри́нувшую / и благо́ую часть и еди́ное на потре́бу  
избра́вшую, / тече́ние по́двигом зако́нным запечатле́вшую / и  
страда́нием сло́во Христа́ Бо́га на́шего испо́лньшую, / И́же  
увенча́тя красото́ю сла́вы нетле́нная.

Песнь 7

Ирмо́с: О́троцы евре́йстии в печи́ / попра́ша пла́мень  
дерзнове́нно / и на ро́су огонь преложи́ша, вопию́ще: //  
благослове́н еси́, Го́споди Бо́же, во ве́ки.

Еле́ем благода́ти огонь любви́ ко Христу́ распала́юща, / огня́  
ве́чнаго избе́гла еси́ / и, гоне́ния мучи́телей нивочто́же  
вменя́юща, / в черто́г к Жениху́ Небе́сному возшла́ еси́, /  
испове́днице и мярек сла́вная.

Вавило́ни дще́ре ока́янная ме́рзкое порожде́ние, /  
безбо́жию хотя́ще преда́ти зе́млю Ру́сскую, / о ка́мень  
испове́дания твоего́ псаломски разби́ла еси́, добропобе́дная  
ма́ти и мярек.

Воздержáния росо́ю пла́мень страсте́й угаси́вши, /  
испове́данием ве́ры воста́ния богоху́льная сокруши́ла еси́,  
достоблаже́нная ма́ти, / и о́браз ве́рным лю́дем яви́ла еси́.  
Богоро́дичен: Я́ко Бо́га ро́ждшую пло́тию, Пречи́стая, /  
пра́вом благоче́стным чтим Тя непреста́нно / вку́пе с  
честны́ми жена́ми, / посто́м просия́вшими и страда́ньми  
врага́ низложи́вшими.

Песнь 8

Ирмо́с: Седмери́цею печь / халде́йский мучи́тель /  
богочести́вым неи́стовно разжже́, / си́лою же лу́чшею  
спасе́ны сия́ви дев, / Творцу́ и Изба́вителю вопия́ще: /  
о́троцы, благослови́те, / свяще́нницы, воспо́йте, // лю́дие,  
превозноси́те во вся ве́ки.

Спасе́тся жена́ чадоро́дием, веща́ет апо́стол, / ты же,  
испове́днице сла́вная, мно́гия доброде́тели породи́вши, /  
я́ко лоза́ плодови́та, в вертогра́де Це́ркве Ру́сския яви́лася  
еси́ / и страда́ньми твои́ми вино́спаси́тельное источи́ла  
еси́ / сла́влящим о тебе́ Христа́ во ве́ки.

Любо́вию Христо́вою уязви́вшися, / к испове́данию ве́ры  
устреми́лася еси́, и мярек, / и, чистоту́ душе́вную храня́щи, /

страда́ние я́ ко дар Невестокраси́ телю душ принесла́ еси́ ,/  
превозно́ся щии Его́ во ве́ки.

Е́ вино преслуша́ние, поро́ди вше́е смерть, при́сно  
помышля́ющии, достосла́вная и мярек, / послуша́нием Христу́  
ми ру́ умре, / последи́ же и испове́данием ве́ры просла́ви  
Его́ . / Те́ мже, на Не́бо возше́дши, / Тро́ицу Святу́ю  
благослови́ши во ве́ки.

Богоро́дичен: С новому́ченики и испове́дники Росси́йскими,  
Пречи́стая, / и все́ми святы́ми жена́ми / умоли́ Еди́наго во  
святы́х почива́ющаго / сохрани́ти зе́млю на́шу,  
славосло́вляющую Тя во вся ве́ки.

Песнь 9

Ирмо́с: Ужасе́ся о сем Не́бо / и земли́ удиви́шася концы́ , /  
я́ ко Бог яви́ся челове́ком пло́тски / и чре́во Твое́ бысть  
простра́ннейшее Небе́с. / Тем Тя, Богоро́дицу, // А́нгелов и  
челове́к чиновача́лия велича́ют.

Да́ры Христу́ любо́вию принесла́ еси́ , испове́днице  
и мярек, / моли́ твоя́ ко зла́то, поще́ние я́ ко лива́ни и  
страда́ние я́ ко сми́рну. / Тем тя благоче́стно велича́ем.  
Еле́ем целому́дрия и испове́данием ве́ры преукраше́на, / вся  
добра́ яви́лася еси́ / и Еди́наго Бо́га просла́вила еси́ . /  
Его́ же моли́ спасти́ся почита́ющим па́мять твою́ , и мярек  
сла́вная.

Я́ ко го́рлица пустыннолю́бная, превита́ющии в Го́рний  
Сио́н, / от се́ти лова́щих изба́вилася еси́ Правосла́вною  
ве́рою, страда́лице честна́я, / ви́димых и неви́димых враг  
посрами́вши. / Те́ мже ты ку́пно с а́нгельскими ли́ки  
почита́ем.

Богоро́дичен: Тебе́ , Всепе́тую Влады́чицу, / я́ ко Всецари́цу,  
Христу́ Царю́ предстоя́щую, / вку́пе с испове́дницею свято́ю  
и мярек досто́йно велича́ем.

Свети́лен:

Ду́хом просвеща́ема, и́ мярек досто́бле́нная, /  
испове́данием Христа́ возсия́ла еси́ в Це́ркви Ру́ссей. /  
Сего́ ра́ди све́том Небе́сным чту́щая ты озари́ , ма́ти  
всехва́льная.

Сла́ва, и ны́не, Богоро́дичен:

Вои́стинну, Богоро́дице, Тя благода́рственно велича́ем, / Ты бо  
еси́ Ма́ти ро́да христиа́нского и Храни́тельница досто́яния  
Твоего́ , Це́ркве Росси́йския, / и возгла́вие ли́ка святы́х жен.  
На хвали́тех стихи́ры, глас 8.

Подобен: О, пресла́внаго чудесе́ :

О испове́днице и́ мярек сла́вная, / ты все житие́ твое́ вве́ргла  
еси́ / в сокро́вищницу Це́ркве Ру́сския, / я́ ко вдови́ца две́  
ле́пте, / воздержа́нием и страда́нием, / моли́ твою́ и  
чистото́ю, / помышля́ющии, я́ ко лу́чши пра́веднику ма́лая, /  
па́че бога́тства мно́га гре́шному, // и ны́не, я́ ко му́драя  
де́ва, восхваля́еши Го́спода.

О, пресла́внаго чудесе́ !/ Кровото́чї вая жена́ ве́рою иногда́  
исцели́ся,/ ты же, честна́я, и мярек,/ у́зы темни́чныя и  
страда́ния восприе́мши,/ тве́рдым испове́данием ве́ры  
Христо́вы/ гони́телей посрами́ла еси́ / и, я́ко жена́,  
лю́бящая Го́спода,/ досто́йно и пра́ведно пожила́ еси́ ,//  
те́мже тя прославля́ем.

Тя, сла́сти грехо́вныя отве́ргшую/ и ду́шу за Христа́ не  
пощаде́вшую,/ воздви́же Человеколю́бец Госпо́дь,/ я́ко  
дщерь Иаи́рову,/ к Небе́сней жи́зни и безсме́ртней трапе́зе,/  
сла́вная испове́днице и мярек./ Те́мже в Це́ркви Ру́сстей,/ я́ко  
дщери́ Сио́ни во врата́х Иерусали́ма, // о тебе́ хвалы́  
Бо́гу возсыла́ем.

Сла́ва, глас 4:

Сле́зы скорбе́й и страда́ния/ мно́гою ве́рою и любо́вию  
Христу́ принесла́ еси́ ,/ испове́днице́ всечестна́я,/ и ны́ не  
дерзнове́ние и маши́/ моли́ти о проще́нии грехо́в на́ших,  
прося́щи Правосла́вней Це́ркви утвержде́ния,/ Оте́честву  
на́шему благостоя́ния // и всем лю́дем ве́лия ми́лости.

И ны́ не, Богоро́дичен, глас то́йже:

При́зри на моле́ния Твои́х раб, Всенепоро́чная,/ вся́кия  
ско́рби избавля́юща зе́млю Ру́сскую,/ дом Твой наре́че́нную/  
и крове́ми́ новому́ченику́ и испове́днику́ освяще́нную./ Да не  
постыди́мся, Влады́чице́ Держа́вная, Тя призыва́ющии,/ всех  
правосла́вных по́моще,/ ра́досте́ и покро́ве // и спасе́ние душ  
на́ших.

Славосло́вие вели́кое и отпу́ст.

НА ЛИТУРГИ́И

Блаже́нна от кано́на, пе́снь 3-я и 6-я.

Проки́мен, глас 4: Бо́же, дщери́ ца́рей // в че́сти Твое́й. Стих:

Приведу́тсѧ Ца́рю де́вы в след Ея́ .

Апо́стол: посла́ние Петро́во 1, зача́ло 59.

Аллилу́ия, глас 1: И́скренняя́ Ея́ приведу́тсѧ Тебе́ . Стих:

Приведу́тсѧ в весе́лии и ра́довании, введу́тсѧ в храм Ца́ре́в.

Ева́нгелие от Луки́ , зача́ло 33.

Прича́стен: В па́мять ве́чную бу́дет пра́ведник:

Моли́тва

О до́блественная́ испове́днице Христо́ва и мярек, земли́  
на ше́я до́брое прозябе́ние, Це́ркве Ру́сския избра́нная дщи́!  
Кто не удиви́тсѧ си́ле Бо́жией, в не́мощи́ твое́й  
соверши́вшейсѧ? Ты бо, му́жески враги́ ви́димыя и  
неви́димыя низложи́вши, заточе́ния и мно́гия му́ки Христа́  
ра́ди претерпе́ла еси́ и Ца́рствие Небе́сное насле́довала еси́ .  
Те́мже ты, я́ко благо́ю и ве́рною рабу́ Госпо́дню, досто́йно  
почита́юще, приле́жно мо́лим: моли́ о нас Всеще́драго Бо́га,  
да да́рует Це́ркви Росси́йстей благостоя́ние, Оте́честву  
на́шему мир, лю́дем во благо́честии преспе́яние, в ско́рби  
утеше́ние, в обстоя́ниях по́мощь и заступле́ние, да  
благода́тию Бо́жиею и твои́м те́плым предста́тельством



земно́е жи́тельство про́йдем и Ца́рствия Небе́снаго  
дости́гнем, иде́же вку́пе с тобо́ю сподо́бимся прославля́ти  
ди́внаго во́святых Свои́х Бо́га на́шего, Отца́, и Сы́на, и  
Свята́го Ду́ха, во ве́ки веко́в. Ами́нь.



**Служба общая исповеднице Российской XX века единой  
составлена Синодальной Богослужбной комиссией и  
утверждена Святейшим Патриархом Московским и всея  
Руси Алексием II и Священным Синодом 21 августа 2007  
года.**